

յին գտեալ երես յոյժ ի բռնաւորաց, ըմբռնէր զմօանս թէ՝ ի նոցանէ ես, և զայլս կալեալ զբամս առնէր եւ պրծուցանէր, զի ունէր ընդ իւր չաւուշս եւ զիր հրամանաց ի վէզիրէ՝ զի զքսան եւ չորս արսն գտցէ։ Եւ նոքա փախան և եղեն աներեւոյթք։ Եւ նա մտանէր տանէ ի տուն, որոնէր եւ յուզէր ի փողոցս եւ ի ճանապարհս, ի շուկայս և ի խանութս՝ ի ցերեկի ոչ միայն, այլ և ի գիշերի՝ վրէժխնդիր յոյժ։ Սուրբ Սարգըսցիքն¹⁾ որ վերասացաւ՝ արդարացուցեալ զանձինս իւրեանց ի բանն, և բազում անգամ և օրըստօրէ կային ի մէջ ուրախութեան և զհաբեղայն ընդ իւրեանս կողմ ունէին և ասէին. Ջանաոցո՛ւք և քաջ երևեսցուք ի վերայ նոցա, և զի մի խնդասցեն նոքա ի վերայ մեր. և զմահ նոցին լեզուաւ աղաղակէին։ Զի յորժամ անց յիսկիւտար վէզիրն, երթային ստէպ և գային զի մահացուցէ զնոսայ։ Եւ կային ի մէջ գբոյն զաւուրս բազումս արքն այնոքիկ, և այլքն փախըստական մեծաւ երկիւղիւ՝ զի մի գտցին, մինչև կալանաւորքն մարդ առաքեալ առ տէֆտէրտարն, զի ունէին ծանօթութիւն ընդ նմա։ Եմուտ նա առ վէզիրն թէ Զի՛նչ շահ եթէ սպանանես զնոսա։ Ծքսակ ըստակ կտրեալ հանեցին զնոսա։ Յայլմէ կամէին սակաւ գրամիւ հանել, արգելեալքն ոչ կամեցան, զի ելցեն և կրկին հրամայեսցեն և իշխեսցեն որոց և կամիցինն։ Այսպէս մուլութեան ոգի լինէր յազգս մեր, առաւել և ընդ աւուրսն ընդ այնոսիկ միմեանց ներհակաբար տվին այժմ, և զԾքսակն առեալ յումեմնէ²⁾ զի տացեն յետոյ։ Եւ յորժամ նոքա ելին ի գբոյն, Սուրբ Սարգսայ չարքն ամօթալից և գլխիկոր եղեալ փախեան և ի կորուստ եղեն աւուրս ինչ՝ մինչ ի Ղարթալ։ Եւ յետ աւուրց եկին և արարին դաւաճանու-

1) սբ սարգսիքն.

2) յումեմն.